



Broj: 01- 4935/21
Sarajevo, 18.11.2021. godine

Na osnovu člana 136. Zakona o visokom obrazovanju Kantona Sarajevo („Službene novine Kantona Sarajevo“, broj: 33/17, 35/20, 40/20 i 39/21), člana 108. Statuta Univerziteta u Sarajevu i člana 17. Kolektivnog ugovora za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj: 39/21), dekan Fakulteta sporta i tjelesnog odgoja po ovlaštenju rektora Univerziteta u Sarajevu, broj: 0101-7291-1-6/21 od 23.07.2021. godine, donosi sljedeće:

R J E Š E N J E
o isplati razlike plaće sa naknadom za minuli rad za prof.dr. Izeta Rađu

Prof.dr. Izetu Rađu (šifra radnika: 23567), utvrđuje se pravo na isplatu razlike plaće sa naknadom za minuli rad u neto iznosu od 6.772,88 KM (slovima:šesthiljadasedamstotinasedamdesetdva/88KM), što u ukupnom bruto iznosu iznosi 9.815,77 KM (slovim:devethiljadaosamstotinapetnaest/77KM).

Isplata će se izvršiti iz vlastitih sredstava, Izvor 20, vrsta plaćanja 121 – Naknada iz vlastitih sredstava.

Za provođenje ove odluke zadužuje se Služba za računovodstvo.

O b r a z l o ž e n j e

Dana 05.10.2021. godine prof.dr. Izet Rađo dostavio je dekanu Fakulteta zahtjev za ostvarivanje radnih prava, protokolisan pod brojem: 01-3560/21. U zahtjevu imenovani moli da se njegov zahtjev za ostvarivanje prava iz radnog odnosa proslijedi Univerzitetu u Sarajevu. Uz zahtjev imenovani je priložio Zahtjev za refunadaciju sredstava neisplaćenog dijela minulog rada, naslovljen na rektora Univerziteta u Sarajevu, dopis Ministarstva odbrane Republike Srbije, broj:10776-6/20 od 24.03.2021. godine, Uvjerjenje Ministarstva odbrene Republike Srbije, broj:10776-7/20 od 25.03.2021. godine, Uvjerjenje Federalnog zavoda PIO/MIO, broj:84277 od 29.10.2018. godine, platnu listu za 12 mjesec 2018. godine. Dana 07.10.2021. godine dekan fakulteta je dostavio zahtjev prof.dr. Izeta Rađe Univerzitetu u Sarajevu sa pratećom dokumentacijom.

Univerzitet u Sarajevu je dana 04.11.2021. godine dostavio fakultetu Odgovor, broj: 0101-1111/3/21 u kojem se navodi da je nadležna služba POC-a utvrdila sljedeće:

- Služba POC-a je od stručnih službi fakulteta dobila obrazac KDPL-1.4 (prijava matičnih podataka o zaposleniku – prof.dr. Izet Rađo), od 18.12.2018. godine u kojem je upisan podatak o predhodnom radnom stažu 0 god – 0 mjes- 0 dana, kako je i upisano u sistem obračuna plaća;
- Sljedeći obrazac KDPL-1.4 (prijava matičnih podataka o zaposleniku – prof.dr. Izet Rađo) dostavljen je 13.01.2020. godine kojim također nije prikazan prethodni radni staž;
- Posljednji obrazac KDPL-1.4 (prijava matičnih podataka o zaposleniku – prof.dr. Izet Rađo), dostavljen je 01.07.2021. godine u kojem je upisan prethodni radni staž ostvaren na fakultetu.



Nadalje, u Odgovoru Univerziteta se navodi, budući da pomenuti obrazac KDPL -1.4 predstavlja osnov za postupanje Službe POC-a u pogledu evidentiranja prethodnog radnog staža, predmetni zahtjev je potrebno obraditi na nivou stručne službe fakulteta i u konačnici evidentirati u obrascu KDPL-1.4, nakon čega će se steći uslovi za postupanje na nivou službe POC-a.

Nadležna Služba za računovodstvo i finansije fakulteta dana 15.11.2021. godine dostavila je dekanu fakulteta obračun razlike plaće za prof.dr. Izeta Rađu po osnovu minulog rada, broj:01-4379/21 sa popunjenim obrascem KDPL - 1.4. u kome je evidentiran prethodni staž u trajanju od 42 godine 04 mjeseca i 01 dan.

Član 17. Kolektivnog ugovora za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj: 13/21) propisuje sljedeće

„Radniku se osnovna plaća uvećava na osnovu minulog rada po 0,6 % od osnovne plaće za svaku godinu radnog staža, s tim da ukupno povećanje po ovom osnovu ne može biti veće od 20%.“

Uvidom u predmetni zahtjev, dopis Ministarstva odbrane Republike Srbije, broj:10776-6/20 od 24.03.2021. godine, Uvjerjenje Ministarstva odbrane Republike Srbije, broj:10776-7/20 od 25.03.2021. godine, utvrđenoj je da je imenovani ostvario penzijski staž kod drugog poslodavca u Republici Srbiji u periodu od 14.07.1977. do 29.04.1992. godine, što prema priloženom uvjerenju ukupno iznosi 18 godina 05 mjeseci i 28 dana. Također, utvrđeno je da navedeni staž nije evidentiran u KDPL – 1.4. obrascima, te shodno tome nije izvršen obračun i isplata minulog rada za staž osiguranja ostvaren kod prethodnog poslodavca.

Imajući u vidu naprijed navedeno, shodno članu 17. Kolektivnog ugovora, a na osnovu obračuna razlike naknade Službe za finansije i računovodstvo fakulteta, broj:01-4379/21 od 15.11.2021. godine i dopune Obračuna razlike plaće po osnovu minulog rada, broj:03-4497/21 od 18.11.2021. godine, odlučeno je kao u dispozitivu Rješenja.

POUKA O PRAVNOM LIJEKU: Protiv ovog rješenja može se izjaviti žalba Upravnom odboru Univerziteta u Sarajevu u roku od 30 dana od dana prijema istog. Žalba se podnosi Upravnom odboru Univerziteta u Sarajevu putem Fakulteta sporta i tjelesnog odgoja.

Akt pripremila:
Mr. Vedrana Bijedić

Dostaviti:

- Dekanu
- Prof.dr. Izet Rađo
- Služba za računovodstvo
- Web stranica
- a/a

DEKAN

Prof.dr. Haris Alić

